

میان استمانی ء ہندی سیاسی جاوریال

میان استمانی سیاست:

میان استمانی سیاست روچ روزینی ہسابء گون یک نوکیں جیڑہ ء جنجالے نوکیں رنگ ء دروشمے زور ایت، چہ اوگانستانء امریکہء درآہگ ء روگ ء ہمے هیال کنگ بوگ ء ات کہ داں چیزے وهدء میان استمانی سیاست ء تہء جنگ ء کسہ نوزور تر ایت ء امریکہ ء ویسٹ ء چین ء نیمگ ء معیشت ء سرء نوکیں جینگ بندات بیت، بلئے آنچوش گندگ بیت کہ جنگ ء ابید میان استمانی سیاست جنرگ ء نام ء نہ زانت ء دنیا ء سیاست جنگ ء ابید بوت کت نہ کنت ۔

چہ اوگانستانء درآہگ ء روگ ء زوت کارکستان ء تہء اُلسی آشوپے (عوامی انقلاب) چست بوت۔ اُلسی آشوب یا پرایمنیں جہد بنداتء پیٹرولء معاملاتانی سرء پاد اتک، بلئے زوت ایشی ء وتی رنگ بدل گت انت ء زہرشانیاں کارکستانء بنجاہ (کیپٹل) ء تہء جنگ ء شورشے ودی گت ء سرجمیں استانء راہشونانی چہ اقتدارء کشگ ء لوٹ (ڈیمانڈ) دیم ء ایر گت انت۔ اے میان ء زوتوں زوت روسء کارکستان ء کمک کنگ ء ہاتر ء وتی پئوج ء لشکر ماں کارکستانء روان دات انت ء پدا ماں زوت کارکستانء جنگولیں شورش ء آشوب ایرماد بوت ء روس ء وکتریء کریڈٹ وتی نام ء کت۔

کارکستانء روسی پئوج ء Peace Keeping Mission ء پد امریکہ ء اے گپ بد بُرت کہ روس میان استمانی سیاست ء تہء وتی دزمانجی کنگ ء انت ء دنیا ء دوئی ملکانی جیڑہ ء جنجالانی تہء لشکرکشی کنگ ء انت۔ روس ء نیمگ ء انچیں لشکرکشی ے ماں شام ء گندگ ء کثیت انت کہ وهدے شام ء وت ماں وتی جنگ بزائکہ سول وار بنا بیت گڑا امریکہ کجام ہم وڑے ء چہ اقتدارء بشارالاسد ء دور دیگ لوٹ ایت گڑا روس بشارالاسد ء کمک ء لانک بند ایت ء دیم ء کثیت، بشارالاسد ء ہکومت ء پئوجی ء جنگی ساز ء سامان ے کمک کنگ ء بندات کنت۔ روس ء شامی سول وار ء تہء دور کنگ ء پد بازیں امریکی تجزیہ نگارانی ہیال ہمے بیت کہ روس ء اے وڑیں جنگانی تہء دور کنگ آئی نوزوریں معیشت ء را تاوانبار کنت، بلئے اے وڑگندگ ء نثیت انت ء روس انگت درستیں ملکان چہ گیش وتی پوج ء سرء زر ہرج ء درج کنگ ء انت۔

کارکستان ء جیڑہ کیم مدت ء ہاتر ء ہلاس بیت گڑا دوئی دیم ء یوکرین ء جیڑہ بندات بیت ء یک نوکیں جینگ، یک بلائیں شورشے ودی بیت، بوت کنت اے جنگ اوکیں وهداں میان استمانی سیاست ء تب ء رنگ ء سرجمی ء مٹ کنگ ء تاکت ء بہ دار ایت ء دنیا ء تہء نوکیں سیاسی لیکہ ء نوکیں تاکت دیم ء بیا انت یا کہ بیلنس آف پاور کہ سک مزین وهدے ء گندگ نہ بوتگ تاں انوں انچوگمان بوگ ء انت کہ ویسٹ ء امریکہ ء دیم پہ دیمی ء روس، چین ء ایشیا ء سینٹرل ایشیا ء تہء نوکیں تاکت ء زور آور دیم ء بیا انت۔ دوئی نیمگ ء ہمے جنگ کہ یک وهدے ویسٹ ء سینٹرل ایشیا، مڈل ایسٹ ء اپریکی ء ایدگہ ملک اش پتاتگ انت تاں مروچی 70 سال ء پد ہمے جنگ یورپ ء سر بوتگ ء یورپ دوئی جہانی جنگ ء پد مروچی یوکرین کرائز ء تہء مسترین جنگی چاگردے گون بندوک انت۔ ہمیشکہ بازیں ملک ء کسان کسانیں راجاں پدا وتی ملک ء آجوئی ء وتجواجہی ء پکر ء گماناں مانچکرینتگ۔

یوکرین جنگ ء تہء گندگ بوگ ء انت کہ 30 سال انت امریکہ میان استمانی سیاست ء تہء ایوک ء لٹیپ کنگ ء بوتگ ء یکیں لٹیپ بوتگ کہ آئی ء دیم پہ دیمی ء دگہ ہج وڑیں ملکہ ء جرت نہ کرتگ ء نیٹو ء دوئی جوڑ گرتگیں گلانی نام ء ہر کجا جنگ ے بندات گرتگ ء ایدگہ ملک ے ڈی اسٹبلانز کرتگ انت۔ بلئے ہمک وهدء جنگ ء شورشاں میان استمانی سیاست ء تب مٹینتگ ء نون انچوش گمان بوگ ء انت کہ امریکہ میان استمانی سیاست ء اوکیں باندا ء لٹیپ (فلیر) ے نہ مان ایت ء آئی ء تہء پدا دوئی مزین زور آور ء تاکت ہوار کپان بنت ء میان استمانی سیاست یک نوکیں ء جتائیں رنگ ء ردوم زور ایت۔

یوکرینء جیڑہ:

یوکرینء جیڑہء تہء ایوکء یک تک ء پھنا تے چارگ ء ٹپاسگ بوت کت نہ کنت ، بلکیں ایشیء تہء بازیں تاکتانی دزمانجی است انت ء ایشیء ہاترء دگہ بازیں جیڑہ ء جنجال سرپد بوگ لوٹ آنت۔ یوکرین 300 سالء گیش روسی فیڈرشن بزائیکہ یک وھدے زار روسء پدا یو ایس ایس آرء بہر بوتگ ء اینکس مزینں مدتء روسی فیڈریشنء کالونی بوگء پد آئیء اثرات مہ بنت، پرچہ کہ اے یک باوری ئیں گپے بوت کت نہ کنت۔ چہ روسء نیمگء 2014 ء یوکرین ء جیوپولیتکل ء ارزشتداریں لوکیشن کریمیا ء سرء ارش کت کہ چریشیء پد روس ء یوکرین ء نیام ء یک نا اوشتوکیں جنگ بندات بوت کہ تنیگت جنگء انت ۔ بلئے نون روس ء سرجم ء یوکرینء سرء پوجی ارش گرتگ۔ چہ امریکہ ء ویسٹ ء نیمگ ء روس ء ارش درگیریں رنگء (Type of the invasion) چارگ بوگ ء انت ء چہ روسء نیمگء Humanitarian ء Russian National Security ء بنیاتء اسپیشل آپریشن ، پرچہ کہ یوکرینء تہء استیں ہکومتء دور بہ دنت یا سرجم ء یوکرین ء را درگیر بہ کنت۔ ہمے رنگ ء پیسرء کریمیا ء سرء ارش کرتگ، بلئے چوشکہ یوکرین یک آجوئیں ملکہ کہ آوتی ہزاراں سالانی mythical راجدپترے ء واھند انت۔ پدا یوکرینء سرجمیں جیڑہء تہء ویسٹ ء امریکہ ء مزینں کسایےء کمک ءے گون انت۔

روسء یوکرینء سرا پرچہ بیڑ بُرت؟

چہ روسء نیمگء اسپیشل آپریشنء بندات کنگء پیسر روسی سروریزرولادمیر پوٹنء یک دو کلاک ءے ترانے کت، پوٹن اے گپء سرء زور دات کہ یوکرین راجدپترے تاکانی تہء روس ء بہر انت ء یوکرینی ء روسی دوجتائیں راج نہ انت بلکیں یک راجء مردم انت ء چہ یکیں ٹکء سیادی دار انت بزائیکہ روسی ء یوکرینی دو جتائیں مردم نہ انت، بلکیں یکیں مردم انت۔ ہمے بنیات ء وتی مہلوک چہ اے ویسٹء جنزوکیں ہکومتء آجو کنگی انت ء آئیء را روسء سرجمیء بہرے کنگی انت۔ دومی نیمگء روسء پیسرء ہم بازیں رندء اے گپ جتگ کہ 1991 ء وھدے کہ یو ایس ایس آر پرش ایت گڑا ویسٹ جرمنی ء ایسٹ جرمنی آ وھداں سویت یونین ء بہر بوتگ انت گڑا ایشانی یکمشت کنگ ء وھد ء یو ایس ایس آر ء نیٹو بزائیکہ ہما وھدء امریکی سروریزر ء روسی سروریزر میانء یک پیسلہ ے زورگ بیت کہ نیٹو ایسٹ جرمنیء چہ اے دیم نئیٹ انت بزائیکہ اے نیمگ ء ہچ ملک نیٹو بہر بیت کت نہ کنت بلئے اے وڑ نہ بیت وھدے کہ سویت یونین پرش ایت ء 15 ملک کہ چہ روسی فیڈریشن ء وتی آزائیء جارء جنت گڑا امریکہ نیٹو ءرا چہ جرمنیء دیم روسء سیمسراں کار ایت، بزائیکہ پدا گون گوستگیں سویت یونینء بندوکیں ملک Estonia, Lithuania, Latvia نیٹو ء بہر جوڑ بنت ۔ پولینڈ، ہنگری، کروشیا، سیلوواکیا، رومانیاء، البانیا ، بلغیریا، نارویو، ء ترکی اے کلیں ہما ملک انت کہ ایسٹء نیمگء گون روسء نزیک انت۔ بزائیکہ چہ روسء میڈیٹیرین دریا ء راہ سرجم ء نیٹو ء گپتگ اگان یوکرین نیٹو ء گون باسکی بہ زور ایت گڑا روس ہچ وڑء منگء ساڑی نہ بیت پرچہ کہ اے رنگ ء نیٹو سرجم ء روس ء وتی سرکلء تہء کنت ء کجام ہم وھدے کہ جنگ ء شورشے کہ بندات بہر بیت گڑا روس مزینں تاواڑء آماچ بیت ء دومی نیمگء نیٹو امریکہ ء چیر دستی ء کئیٹ انت ء امریکہ ء روس چہ کرناں دنیا ء تہء وتی ایردستیء ہاترء یکے دومیء گون جنگ ء چوپ انت ، ہمیشکہ روس اے جنگء وتی واستہ آژدری سرپد بیت۔

چہ یک مزینں مدتء پیسر روسء یوکرینء را چوش گشتگ ات کہ آوت ء نیٹو ء چہ دور بہ دار ایت ء نیٹو ء باسکیء کاگداں پُر مہ کنت ء ویسٹء بہر جوڑ مہ بیت۔ بلئے یوکرینء تہء روژناپکریں ہالیء بنیات ء اے گپ المی جوڑ بوتگ کہ یوکرین نیٹو ء باسکیء بہ زور ایت دانکہ کجام ہم وھدے کہ روس یوکرین ء سرء ارش کنگء کوشستء کنت گڑا یوکرین ایوک مہ بیت۔ ہمے رنگء انچیں ارشے روس کریمیا ء سرء کنت وھدے کہ یوکرین ء توکء روس نواز سروریزر چہ ہکومتء کشگ بیت گڑا روس کریمیا ء کمکء پدا وتی لشکرء دیم دنت ء

آئیے را زور ایردست کنت ء پدا اودء گچینکاری کنائین ایت کہ آئیء تہء کساس 96 مردم روسء بہر بوگء حمایتء کنت انت۔ دومی نیمگء کریمیا روس ء ہاترء سک باز ارزشت دار ایت پرچہ کہ کریمیا Black Sea ء ارزشترین ٹک انت ء Black Sea روسی دنیا ء تہء حاکمیت ء یا Dominancy ء ہاترء انچوش ارزشت دار ایت انچو کہ انسان ء زندگی بوگء ہاترء ساه ء ارواہ ، ہمیشکہ بلیک سی ء سرء انون گیشتر کنٹرول ترکیء آست انت ، بلئے ترکی ء پد آئی گیشتریں سیمسر گون یوکرینء سر ماں سر انت۔ ہمے رنگء یوکرینء تہء یک مزین آباتی ے روسی ٹکء گون بندوکیں مردمانی انت۔ یوکرینء تہء 30 درسد آباتی روسی زبان ء گپ کن انت۔ 2014 ء کریمیا ء سرء ارش ء ردعمل ء یوکرین وتی ملک ء تہء چہ روسی زبانء سرء بندش جنت ، روسی زبانء سرء بندش جنگء پد روس سرجمء روسی زبانء ہر کنوکیں دمگاں بزائیکہ لوہانسک ء ڈونباس ء توکء یوکرینی پوجء ہلاپ ء مسلح گروپ ء را چست کنت ء آچہ یوکرینء آجوئی لوٹ انت۔ انچو گشگ بیت کہ اے یاگیان نہ تہنا روس پوجی ء مالی کمک کنت بلکیں وھدے کہ یوکرینی پوجء ایشانی ہلاپء آپریشن وتی تیز کرتگ ء ایشانء شکست دیگء چن ء لانچء بوتگ گڑا روسی پئوجیاں سرجمء ایشانی ہمبرائیء جنگ کرتگ ء اے دمگاں سرجمء روسی نواز سلاہ بندیں ٹولیاں وتی دزجیرء کرتگ انت۔ اے دمگانی ہاترء دو رند ء روس ء یوکرینء نیامء فرانس ، جرمنی ء ایدگہ ملکائی ثالثیء مذاکرات بوتگ کہ آ Minsk Agreement ء نامء زانگ بنت ، بلئے دوئیں رند ء گند ء نندء پد ہم جیڑہ سازگار نہ بوت ، بزائیکہ دوئیں نیمگء مذاکراتانی ترانء سرا عملدرآمد کنگ نہ بوت۔ ہمے سببء اے دمگانی جیڑہ وھدے کہ توجیلے نیمگء روت گڑا روسی لشکرکشی ہم یکشلہ برجہاں مان ایت۔ چہ 24 فروریء پیسر روس اے دوئیں دمگاں آجوئیں ملکء بستارء من ایت ء آیانی آجوئیء جارء برین ایت۔

راستیء اگان چارگ بہ بیت گڑا اے پدا اتکگیں شورش ء جنگ روسء یوکرینء ہلاپء نہ انت بلکیں گیشتر نیٹو ء ویسٹء دنیا ء توکء Dominancy ء ہلاپ ء بوگ ء انت۔ ویسٹ لوٹ ات کہ دنیا منی گیشینتگیں دگ ء کشک ء سرء بہ روت انت ، پرچہ کہ اے رنگیں ارش مارا چہ امریکہء نیمگء عراق ء اوگانستان ء سرء ہم گندگء کینت کہ وھدے امریکہ اے بنیاتء اوگانستانء سرء بیڑ بارت کہ اوگانستان منی ملک ء یا منی مردمانی واستہ یک سیکورٹی ترس ء بیم پرچہ کہ چہ اودء منی ہلاپء ارشکاریء ہاترء پالیسی ٹہگء انت ، گڑا ہمے رنگ ء روس ء ہم یوکرینء سرا وتی سیکورٹی ترسء بنیاتء آرش کرتگ۔ اے نوکیں گپے نہ ات کہ مزین ملکاں دنیا ء تہء وتی Dominancy ء گیش کنگء ہاترء کسان کسانیں ملک ء استان مدام نشانگ جوڑ کرتگ انت۔

روس ء امریکہء میانء اے جنگ مروچگیں جنگ نہ ات بلکیں دومی جہانی جنگء پد امریکہ ء روس ء نیام ء سویت یونین ء پروشگ ء داں سرد جنگ کنگ بیت۔ سرد جنگء ردء امریکہ ء روس اپریکہء بگر داں نارٹہ امریکہ ، سویت کوریا ، ویتنام ء ہرکجا جنگ ء چوپء رو انت۔ مرچی امریکہ ہمے کہ تالبان ء اسلامک ناشکرانی ہلاپء جنگ کنگء انت۔ اسلء اے اسلامک ناشکراری ء کافر ء ہلاپء جہادء بنیاتء امریکہء سویت یونین ء کمیونزم ء تالان ء شنگ بوگء ہلاپ ء دیم ء آورتگء اوگانستان ء دگہ بازین اسلامی ملکائی توک ء سویت یونین ء ہلاپ ء بہ جنگء پدا کرتگ انت۔ ویسٹ ء ہیال ایش انت کہ دنیا ء تہء ملک ء راج ہما انت کہ منی گیشینتگیں دگء کشکء سرء چہ بہ روت انت۔ اے لیکہ چہ مروچیء اناں بگندے کالونائزیشنء وھد ء بگر دانکہ تنی وھدی ہم وجود دار ایت۔ آ وھداں اگان برٹشء کالونی یا فرانس امریکہ یا دگہ ملکء کالونیء تہء مردماں وتی رییدگ ، زبان ء دودمانانی بنیاتء زندگی گوازینتگ ، گڑا آئیء را وحشی جاہل ء جٹ ء ے راہبندیں دودمان لیکگ بوتگ انت ء اے لیکہ ویسٹء تہء روچء مروچیء داں وجود دار ایت پرچہ کہ دنیا ء تہء کجام ہم ملک کہ لبرل ڈیموکریسیء لیکہ نہ من ایت ء ویسٹرانائزیشن نہ بیت گڑا بزائیکہ آملک ملک گوشگ بیت کت نہ کنت۔ ہمے رنگ ء روس دنیا ء تہء گلوبل سپرپاوریء جنگ ء انت۔ روس ء تہء Zar dynasty ء بگر داں سویت یونین ء روسی فیڈریشن ء داں بیا ہمے گلوبل ایردستیء لیکہ انگت ہلاس نہ انت۔ بلکیں لیکہانی رنگ ء دروشم مٹ بوتگ انت بلئے گلوبل سپرمیسی ء لیکہ انگتء دنیا ء تہء مہکمیں رنگء آست انت۔ داں وھدء دنیا ء تہء گلوبل سپرمیسیء لیکہ ہلاس نہ

بیت وھدے یوکرین، اوگانستان، عراق ء اے دگہ ملکانی تہء جنگ ء شورش وتی سراں ایر نہ کن انت ء مرچی اگاں یوکرین ء تہء جنگ جنرگ ء انت تاں باندا دگہ ملکہ ء وتی سرء شاہء کش ایت۔

یوکرین ء تہء جنگ ء مسترین پائیدگ چست کنوکیں ملک انوں چین گندگ ء پیداک انت پرچہ کہ یک نیمگے روس ء پلوء ہم گرگ ء انت تاں دو می نیمگ ء وت ء را نیوٹرل دارگ ء ہم جہد کنگ ء انت۔ چریشی ء چہ ہمے زانگ بوگ ء انت کہ چین جرے جنگ ء گیشتر پائیدگ چست کنگ ء کوشست ء انت۔ یکے چین ء اے موہ رس ایت کہ روس ء امریکہ ء ویسٹ ء اے دگہ زورآوریں ملک کہ جنگانی آماچ بنت گڑا گراؤنڈ ء تہء دگہ لئیپی (فلپر) نہ مان ایت۔ اے میان ء چین وتی معیشت ء سرء گیشا گیش کار کنگ ء انت۔ چوشکہ جنگ معیشت ء تباہی ء سبب جوڑ بنت، اگاں روس ء امریکہ کہ یک جنگ ء آماچ بہ بنت گڑا اے جنگ ء چہ امریکہ ء معیشت ے کساس تباہ بوت کرت کنت ء اے چیز ء چہ چین پائیدگ چست کنگ لوٹ ایت۔ پرچہ کہ امریکہ ء پد دنیا ء مسترین معیشت چین ء کر ء انت اگاں امریکہ ء معیشت نزر بہ تر ایت گڑا چین گہتر بیت کرت کنت۔ دو می نیمگ ء چین تائیوان ء سرء ہم ارش کت کنت، پرچہ کہ چین آئی ء وتی بہر سرپد بیت بلئے گوستگیں مزنیں ملدے بیت کہ تائیوان ء امریکہ مزنیں کساس ء پئوچی ساز ء سامان دیگ ء انت، وھدے کہ دو می نیمگ ء امریکہ یوکرین ء تہء پس اتگ ء روس ء گوما دستگت انت گڑا اے میان ء تائیوان ء آرنگ ء پئوچی کمک کنگ امریکہ ء جند ء ہاتر ء تاوانبار انت۔ ہمیشکہ چین اے موہ ء چہ پائیدگ چست کنگ ء تائیوان ء سرء ارش کنگ پرائی ء بہ جوانیں پالے بوت کت کنت۔

چوشکہ اگاں چارگ بہ بیت گڑا دنیا ء سیاست مٹ بوگ ء انت ء دنیا ء تہء امریکی ء ویسٹ ء ہما سپرمیسی کہ بوتگ آکم گندگ پیداک انت پرچہ کہ روس ء دیم بہ دیمی ء وھدے کہ ویسٹ سرجم ء اوشتاتگ گڑا مڈل ایسٹ ء ساوتہ ایشیا ء تہء ہج وڑیں ملک ویسٹ ء ہمراہ داری ء بہ ساڑی نہ انت۔ انڈیا، پاکستان، سعودی عرب کہ یک سکین مزنیں وھدے بیت کہ امریکہ ء نزدیکیں ملک بوتگ انت آہم روس ء ہلاپ ء روگ ء نہ انت۔ چہ ادا زانگ بیت کہ بوت کنت آوکیں وھداں اے ریجن ء تہء امریکی اثر ء رسوخ ء زور کم بہ تر انت۔ دو می نیمگ ء ہمے گندگ بیت کہ یوکرین ء سرء ارشکاری ء پد بازیں کسان کسانیں آجوئیں ملک کہ بوتگ انت کہ آیانی پبسر ء واہگ ہمے بوتگ کہ ما نیٹو بہر بئیں بلئے یوکرین ارش ء پد اے ملک وتی ملکی سکیورٹی ء ہاتر ء نیٹو بہر بوگ ء ہاتر ء ہج وڑیں جہد نہ کن انت ہمے رنگ ء دنیا ء تہء یک نیمگے ویسٹرانائزیشن انت گڑا بوت کنت آوکیں وھدے اے لیکہ نزر بہ تر ایت۔ اگاں یورپی یونین یک نہ بوت ء یورپی یونین ء تہء ملکان امریکہ ء ہمراہ داری یل ء کرت گڑا اے مزنیں مٹی ے کار ایت پرچہ کہ امریکی سپرمیسی ء جوڑ کنگ ء توک ء انوگ ء داں یورپی ملکانی سکین مزنیں کردارے آست انت۔ اگاں یوکرین روس ء دیم ء پروش بہ وارت یا نیٹو ء باسکی کاگداں مہ من ایت گڑا اے رنگ ء نیٹو سکین مزنیں شکستے دیمپان بوت کت کنت ء نیٹو ء سرء دو می ملکانی اوست ء امیت کم تر انت۔ پرچہ کہ یوکرین جنگ ء تہء کجا نہ کجا مسترین زمہ وار یورپی یونین ء نیٹو انت کہ گوستگیں مزنیں مدتے بیت کہ یوکرین ء ممبرشپ دیگ ء گپ ء کنگ ء انت بلئے مروجی وھدے کہ یوکرین ء سرء ارش کنگ بیت گڑا پئوچی مدت ء کمک ء ایبد ہج چوشیں نشا ء ء نئیکہ توجیلے گندگ بوگ ء انت۔ یوکرینی سروریز ء باز رند ء لوٹ کرتگ کہ یوکرین ء No Fly Zone جوڑ کن ات دانکہ روسی جنگی بالی گراب چہ یوکرینی بہ رک انت یا روس ء چہ SWIFT ء بہ کش ات دانکہ روس ء گواچنی رنگ ء مزنیں تاوان باری بہ بیت بلئے اے رنگیں مزنیں گامگیج زورگ بوگ ء نہ انت ء نئیکہ یوکرین ء آجوئی ء رکینگ ء بہ چوشیں چیزے درا بیت، گڑا اے رنگ ء زانگ بیت کہ نیٹو ء ویسٹ بلکیں دو می ملکان ہمے رنگ ء رد بہ دئینت۔ ہمے رنگ ء مڈل ایسٹ ء ایشیائی ملک ہم دیمتر ء وتی دیم ء روس ء چین ء نیمگ ء بہ ترین انت پرچہ کہ ایشاں اے ریجن ء تہء گیشتریں مزنیں تاگتانی رنگ ء آوکیں وھداں گندگ آہگ ء انت۔

ملکی سیاسی جاورہال

یک ملکہ تہی سیاسی جاورہال مدام گون یک راجے جیڑہ ے بندوک بنت یا کہ آئی ے سرا آشوبی جنزے ے اسر کپ انت۔ ہمے رنگ ے گندگ بوگ ے انت کہ وھدیے روس یوکرین ے سرے ارشکاری ے پیسلہ ے کنت گڑا بیلاروس ہم آئی ے تہ ے ہوار بیت گون۔ بزآنکہ کجام ہم ملکہ بہ بیت آئی ے کش ے گور ے ملکانی پاد اتکگیں جاور الم اسر دور دئینت۔ اوگانستان ے تہ ے وھدیے کہ نوکیں مزین بدلی ے کثیت ے تالبان حکومت جوڑ بیت گڑا آئی ے کسان کسانیں مٹی ے بدلی بلوچستان ے تہ ے ہم گندگ بنت۔ اوگانستان ے تہ ے نوکیں حکومت و اتکگ بلے انگت ے داں اے حکومت ویسٹ ے دومی ملکانی نیمگ ے چہ ملکہ منگ نہ بوتگ۔ ایشی ے چہ اوگانستان ے تہ ے یک معاشی جنجال کنویں جاورے پیداک بوتگ۔ دومی نیمگ ے ہم گندگ بیت کہ اوگانستان ے تہ ے مذہبی ٹولی گیشا گیش پدا یکبرے سرے پرکنگ ے انت۔ امریکہ ے در آھگ ے پد اوگانستان ے تہ ے آئی ایس آئی ایس گیشا گیش مہکم تر بوگ ے انت۔ ہمے رنگ ے پاکستان ے تہ ے ہم گندگ بیت کہ ٹی پی اوں گیشا گیش مہکم تریوان انت۔ اوگانی تالبان ے ثالثی ے چہ ٹی پی ے پاکستانی پوج ے میان ے سہل ے ترانے و بوتگ بلے اے سہل ے ترانے سو بیانی دیمپان انت، تہی وھدی انگت ے داں اے مذاکرات جنزگ ے انت۔ بلے گندگ ہمے پیداک انت کہ پاکستان ٹی پی ے بازیں لوٹاں منگ ے نہ انت ے ہمے رنگ ے اے جنگ ہم گیشتر ردوم زوران کنت۔ ہمے رنگ ے پاکستان ے جندے سیادی ہم گون تالبان ے شر شر گندگ بوگ ے نہ انت۔ ڈیورنڈ لائن ے سرے تالبان پاکستان ے موقف ے منگ ے واستہ انگت تیار نہ انت۔ ہمے رنگ ے پاکستان ے اوگانستان ے سیمسرے سرے لوکل تالبان ے پاکستانی پئوج ے میان ے مزین جنگ ے چوپے ہم گندگ ے اتکگ۔ اے مٹی ے بدلی ے ما بلوچستان ے ہم گندگ ے این کہ انوں زوتاں زوت آئی ایس ے نیمگ ے چہ ماں سبے پاکستانی لشکرے سرے ارشے کنگ بیت۔ بزآنکہ اے دمگ ے تہ ے مذہبی ناشکاری گیشا گیش شانگ بوان انت۔ ہمے رنگ ے ایران ے سیمسری دمگ ہم انوں جنگ ے آماچ انت۔ پاکستان ے ایران ے بازیں جیڑہانی سرے گرے جیلے گندگ بوگ ے انت ے بلوچ جہدے سرے پاکستان ایران ے نیوٹریلیٹی ے چہ وش نہ انت ے بلوچ جہدکارانی ہلاپ ے ایران ے چہ کمک لوٹگ ے انت پرچہ کہ ایران ہم سیمسری دمگ ے بلوچ جہدکارانی ہلاپ ے جنگے بندات بہ کنت۔ چوناہیگ ے راجی جنزانی واستہ دمگانی Stability گیش تاوانبار انت۔ اے رنگ ے بلوچ جہدکارے راجی جنزے سروک ے گلانی سرے گپ اوشت ایت کہ آ اے دمگ ے توک ے پیداک بوکیں نوکیں مٹی ے بدلی ے تہ ے وتی پالیساں چون ساز انت۔ اگان بلوچ ے جہدے گپ ے بہ کنیں گڑا اے دمگ ے تہ ے بزآنکہ اوگانستان ے ایران ے توک ے بدل بوکیں جاورہالان چہ بلوچ جہدے سرے مزین سان ے اثرے دور نہ دانگ، ایشی ے بنکی سبب ایش انت کہ بلوچ راجی جنز دومی ملکانی واستیگ نہ انت بزآنکہ بلوچ ے جہد یک پراکسی وار یا دومی ملک ے سرے Dependent جنزے نہ ات کہ دومی ملک ے جاورانی ہساب ے بلوچ ے جہد ہم ہما ہساب ے جنزان کنت، البتہ آئی ے سرے اسر الم ے کپ انت۔ بلوچ ے جنگ ے جہد چوشکہ راجی آجوتی ے آشوبی جہدے ے آئی ے مہکمے سیادی بلوچ ے گون بندوک انت ہمیشکہ آئی ے تہ ے روچ پہ روچ گہتری ے مہکمے اتک کرت کنت۔ اے درگت ے اگان بلوچ راجی جنزے وت ے یک دمگ ے بدلیانی توک ے یک مزین لٹیبی (فلیرے) یا کہ یک تاکتے بوگی انت گڑا راجی جنز گیشا گیش مہکم کنگ لوٹ ایت ے سفارتی پڑے بگر داں گراؤنڈ ے تہی جہد گیش مہکم تر کنگی انت دانکہ بلوچ دمگ یک اسٹیک اولڈرے ے دروشم ے دیم ے بتیت۔ وھدیے کہ بلوچ دمگ ے تہ ے یک اسٹیک اولڈرے بیت ے یک تاکتے جوڑ بیت گڑا دنیا آئی ے را کمک کنگ ے نہ کنگ ے بابت ے جیڑ ایت۔ انوں پاکستان انچوش گندگ بوگ ے انت کہ ویسٹ ے ہلاپ ے روگ ے انت ے چین نون پاکستان ے سرے گیشا گیش بیسہ کنگ ے نہ انت۔ اے درگت ے بلوچ ے لوٹ ایت کہ وتی راجی جنزے را گیش مہکم تر بہ کنت دانکہ اے دمگ ے

مزنیں تاگت بلوچ ۽ راجی زور ۽ سرید بہ بنت ۽ بلوچ جنرے کمک ۽ بہ اوشنت انت۔ ہما وهداں داں بلوچ اے دمگ ۽ تہ ۽ وت ۽ را یک مزنیں زور ۽ تاگت ۽ بستارے جوڑ نہ مٹارین ایت ۽ گڑا آوت ۽ اے دمگ ۽ تہ ۽ وتی جنرے برجمیں رنگ ۽ داشت کت نہ کنت، اگان بہ کنت ۽ گڑا آئی ۽ را بلائیں مدتے درکار بیت۔

پاکستان ۽ سیاسی جاورہال:

پاکستان ۽ سیاسی جاورہال انون چیزے وهد بیت کہ انچوش درا بوگ ۽ انت کہ پئوچ یکرندے پدا وفاق ۽ تہ ۽ لئیے کنگ ۽ انت۔ دنی تجزیہ نگارانی گشگ ہمیش انت کہ پاکستانی پئوچ ۽ تہ ۽ دو مہکمیں ٹولی است انت۔ یکے فیض احمد ۽ ٹولی انت کہ گوستگیں آئی ایس آئی ۽ چیف بوتگ ۽ عمران خان ۽ پشت پناہ انت ۽ انون آپشاور ۽ کور کمانڈر کنگ بوتگ ۽ دوئی نیمگ ۽ جنرل قمر جاوید باجوہ انت کہ دگہ یک Extension ۽ واہگدار انت، بزآنکہ انگت دیم ۽ دو سال ۽ داں پئوچ ۽ سروک بوگ لوٹ ایت۔ نون اے درگت ۽ پئوچ پاکستان ۽ سرجمیں جاوراں بدل کنگ لوٹگ ۽ انت۔ انون چیزے وهد بیت کہ انچوش گشگ بوگ ۽ انت کہ عمران خان ۽ پئوچ کمک آ رنگ ۽ کنگ بوگ ۽ نہ انت کہ پیسر ۽ کرتگ ۽۔ ہمے درگت ۽ دراہیں مزنیں پارلیمانی سیاسی گل یکجاہ بوتگ انت ۽ اپوزیشن ۽ پارلیمنٹ ۽ عمران خان ۽ ہلاپ ۽ عدم اعتماد ۽ نام ۽ جنرے پاد کنگ ۽ انت کہ آوکیں چیزے روچ ۽ توک ۽ اسمبلی اجلاس بیت بلے آئی ۽ چہ پیسر عمران خان سرجمیں ملک ۽ توک ۽ احتجاج ۽ جلسہ ۽ جلوس کنگ ۽ انت کہ پئوچ ۽ یک نیمگ بہ ترسین ایت کہ اگان من ۽ کشگ بوت گڑا من مردماں پئوچ ۽ ہلاپ ۽ چینکس کشت کت کن آن۔ دوئی نیمگ ۽ ما گند این کہ پاکستان اے وهداں سک باز تہ ۽ توکی جنجالانی آماچ انت۔ پاکستان ۽ رکینگ ۽ مستر ۽ تاگتور ترین ادارہ آئی ۽ پئوچ بوتگ کہ انون وت بازین ٹولیاں توک ۽ بہرے بانگ انت ۽ پئوچ ۽ تہ ۽ اقتدار ۽ پاور ۽ ہاترے جنگ بوگ ۽ انت۔ دوئی نیمگ ۽ ما گند این کہ پاکستان معاشی حساب ۽ پیسر ۽ چہ گیشتر نوزر تر اتگ ۽ پاکستان ۽ توک ۽ مردماں پہ ورگ ۽ نا ۽ ہم نیست۔ پیٹرول ۽ ڈیزلانی نہاد ماں آزمان ۽ سر انت۔ ہمے رنگ ۽ ما گند این کہ Political Stability ۽ ہم گندگ بوگ ۽ نہ انت، پارٹی ۽ سیاسی راہشون یکے دوئی ۽ گوما مزنیں کسایرے جنگ ۽ چوپے نیمگ ۽ روگ ۽ انت۔ سٹیمی ایش کہ انوگیں جاوراں ویسٹ ۽ ہلاپ ۽ عمران خان بزآنکہ پاکستان ۽ نیمگ ۽ چہ بازین کاراں گون درگلائش بوتگ۔ اے وهداں کہ یوکرین ۽ سرے روس بیڑ بارت گڑا اے میان ۽ پاکستان ۽ سر وزیر ماسکو بزآنکہ روس ۽ کیپٹل ۽ توک ۽ بیت انت۔ ہمے رنگ ۽ ما گند این کہ یورپی یونین ۽ برطانیہ ۽ ہلاپ ۽ ہم عمران خان بیان دنت۔ چہ ادا اے اٹکل جنگ بیت کہ پاکستان ۽ توک ۽ یک مزنیں ٹولی ۽ ویسٹ ۽ ہلاپ ۽ روگ ۽ جہد ۽ انت۔ بلے امریکہ ۽ ویسٹ ۽ ٹولی پاکستان ۽ تہ ۽ سک باز مہکم انت، ہمیشکہ اے وڑ بوت کت نہ کنت کہ پاکستان امریکہ یا ویسٹ ۽ ہلاپ ۽ بہ روت۔ ہمیشکہ اے سرجمیں جاورہالے سازگ بوگ ۽ انت۔ اگان سیکورٹی ۽ جیڑہ ۽ ہم ما بچار این گڑا پاکستان ۽ سیکورٹی سک نوزر انت، بلوچ آجوئی لوٹوکیں گل لاہور ۽ بگر داں کراچی ۽ ہر کجا ارش کنگ ۽ انت۔ انوگیں چیزے روچ پیسر پشاور ۽ اینکس مزنیں بمب تراک ۽ پاکستان ۽ سیمسری دمگ ۽ تالبان ۽ نیمگ ۽ چہ پاکستانی پئوچ ۽ سرے ترندیں ارش بوتگ ۽ دوئی نیمگ ۽ بلوچستان ۽ آجوئی لوٹوکیں گلانی منظم بوگ ۽ جہد ۽ دیم ۽ برگ اے درست دژمن ۽ سیکورٹی جیڑہاں پدر کن انت۔ ٹی ٹی پی ۽ اوگانستان ۽ نوکیں حکومت ۽ ڈیل کنگ ۽ ہاترے پاکستان ۽ کڑہ ہج رنگیں پالیسی ۽ گندگ بوگ ۽ نہ انت ۽ انون زوتاں زوت انڈیا ۽ نیمگ ۽ چہ پاکستان ۽ توک مزائل ارشے کنگ بوت ۽ آئی ناکام نہ کنگ ہم پاکستان ۽ ائیر اسپیس ۽ گواہی ۽ دنت۔ اے رنگ ۽ زانگ بیت کہ پاکستان سیکورٹی جیڑہ ۽ ہم نوزر تر اتگ۔ سیاسی ۽ معاشی جاور انوگیں وهداں پاکستان ۽ سک باز ہراب انت، ہمے سبب انت کہ تالبان ۽ حمایت ۽ آئی واستہ مدت کنگ ۽ پد ہم تالبان حکومت ۽ اوگانستان ۽ تہ ۽ منگ ۽ ساڑی نہ انت۔ پئوچ ۽ توک ۽ انوگیں چست بوتگیں جنگ ۽ اثر ۽ بنت اے چیز ہمے لہتیں ماہانی تہ ۽ وت پدر بنت۔

بلوچستان ۽ سیاسی جاورہال:

بلوچ راجی آجوئی جنزہ یک نوکیں تیز گامی ے گندگ بوگہ انت ۽ بلوچ آجوئی جہد یکرندے پدا مہکمیں رنگہ ۽ گوں چست بوگہ انت کہ چریشی ۽ چہ ریاست یکرندے پدا بازیں پالیسی دیم ۽ آرگ ۽ انت۔ نوشکی ۽ پنجگور ۽ ارش ۽ پد ریاست ۽ بلوچستان ۽ توک ۽ ترکی ۽ دانگیں Bayaktar TB2 ڈرون سرگرم کرتگ انت۔ چوشکہ انوگیں وهد ۽ اے ڈرون ۽ وتی بلائیں بستارے است انت۔ ترکی ۽ اے ڈرون یوکرین روس ۽ جنگ ۽ توک ۽ یوکرینی پئوج ۽ مہکم ترین جنگی سلاہ انت۔ ہمہ رنگہ ۽ ماگند این کہ نودریرانی برگ ۽ گار کنگ ۽ توک ۽ ہم یک نوکیں ترندی ے پیداک بوتگ، اے درگت ۽ بلوچستان ۽ کند کئدہ بگر داں کہ بلوچستان ۽ ڈن وانوکیں بلوچ نودریراں سرجمیں ورن ریاستی ایجنسیانی جم ۽ چیران انت ۽ بازیں گار ۽ بیگواہ کنگ بوگہ انت۔ مردماں چہ جہد ۽ دور دارگ ۽ ہاترہ ڈرمن یک نیمگہ مذہبی شدت پسندی ۽ راگیش مہکم کنگ ۽ انت ۽ دومی نیمگہ بلوچ ۽ سیکولر اقتدار ۽ سرہ ارش کنگ ۽ انت۔ پاکستانی پئوج ۽ کور کمیٹی ۽ میٹنگ ۽ پد بلوچستان ۽ توک ۽ مزین پالیسی مٹ کنگ بوتگ انت۔ تربت ۽ توک ۽ دیمروئی ۽ نام ۽ سرہ مردماں بہا زورگ ۽ جہدہ کنگ ۽ انت ۽ دومی نیمگہ ۽ سیکورٹی ۽ نام ۽ بلوچ ۽ ازت ۽ ننگ ۽ ناموس ۽ سرہ ارش کنگ ۽ انت۔ لوگانی سرہ بیڑ برگہ انت، مردماں کم شرپ کنگ ۽ ے ازت کنگ ۽ ترسینگ ۽ سرجمیں جہدہ کنگ ۽ انت کہ مردم چہ بلوچ آجوئی ۽ جہدہ دست کش بہ بنت۔ جھاؤ ۽ توک ۽ لشکر ۽ سرجمیں میتگانی میتگ انگیر کرتگ انت ۽ مردماں پہ زند گوازیںگ ہم پہ جنجا لے۔ ہمہ رنگ ۽ ماگند این کہ اے زلم ۽ ناروائی ۽ کسہ ایوک ۽ بلوچستان ۽ توک ۽ نیست انت بلکیں ہر کجا کہ بلوچ زندگ انت ۽ بلوچی لیکہ ے دار ایت اودہ ہم لشکر وتی زلم ۽ زورائی ۽ را برجم دارگہ پہ سرین بند انت۔ تُری سندھ ۽ بلوچ آبادیانی سرہ ارش بہ بیت یا کہ پنجاب ۽ دمگاں۔ چوشکہ ریاست ۽ انوگیں گیشترین دلگوش ڈاکٹر ۽ نودریرانی سرہ انت۔ اے کلب زوراکیاں چہ زالم بلوچ راج ۽ توک ۽ یک ترسے پیداک کنگ لوٹگ ۽ انت۔

دومی نیمگہ ماگند این کہ بلوچ مہلوک ۽ گیشا گیش وتی مہتاج کنگ ۽ ہاترہ آیانی روزگار ۽ ہم بند کنگ ۽ انت دانکہ بلوچ لاچار بہ بنت ۽ پئوج ۽ پولیس ۽ ڈیپارٹمنٹاں نوکری بہ کن انت ۽ دومی زلورتانی سرجم کنگ ۽ ہاترہ لشکر مہتاج بہ بنت۔ اے درگت ۽ مرز ۽ سیمسرائی بند کنگ بہ بیت یا کہ گوادر ۽ بندی دمگاں دریاوردان چہ روزگار ۽ پلگ ۽ آیایں ے ازت کنگ یا کہ دریا ۽ روگ نیلگ یا کہ نصیر آباد ۽ آواران ۽ نیمگہ ۽ مردماں چہ زمینداری ۽ دارگ ۽ آیانی روزگار ۽ بند کنگ۔ چوشکہ کوہ یک ہسا ے بلوچانی لوگ انت پرچہ بازیں بلوچانی لاپ کوہ ۽ جنگلاں بندوک انت ۽ آیایں پہ شوانگی یا کہ کاہ ۽ بوچہ ۽ ہاترہ کوہ ۽ روگہ پہ مکن کنگ۔

چوشکہ نصیرآباد ۽ نیمگہ ۽ مردمانی ڈگاران سرہ پئوجی ایردستی بہ بیت یا کہ آیانی آپ ۽ بند کنگ کہ پرآیانی واستہ زمینداری مشکل ۽ گران بہ بیت۔ اے چیز ریاست ۽ بلوچ ۽ معاشی ہساب ۽ تباہ کنگ ۽ پالیسی انت کہ بلوچ ۽ گورہ معیشت مہ بیت ۽ بلوچ سرکار ۽ مہتاج بہ بیت۔ مکران ۽ بگر داں ڈی جی خان ۽ سرجمیں مردمانی کارہ بار آوانی دستہ پلگ بوتگ ۽ سرکار آواں وتی مہتاج ۽ چمدار کنگ ۽ جہدہ انت دانکہ آ بلوچ آجوئی جنزہ چہ دور ۽ گستا بنت۔

دومی دیمہ سیندک پروجیکٹ ۽ چہ بلوچ مہتاج کرتگ انت یا کہ لسبیلہ ۽ ہم بلوچ ۽ کارہ بار کمیں ہمہ تیل ۽ بوتگ یا دریا بلتے دوئیں آزاتیں کارہ بار ہلاس کنگ ۽ آیایں ہمہ کارجاہانی تہ ۽ ہراب ترین کار دیگ بوگہ انت۔ کراچی ۽ بلوچانی زمین پلگ بوگہ ۽ انت ۽ آ ے زمین کنگ بوگہ ۽ انت۔ ڈیرہ بگٹی ۽ کوہلو ۽ نیمگہ ۽ سرکار ۽ سرجمیں علمی ۽ زانشتی کار اوشت آماچ کرتگ انت ۽ مردماں لیویز ۽ پولیس ۽ نامہ برتی کنگ ۽ پہ لاچار کنگ بوگہ انت۔ انوں زوتاں زوت سی ٹی ڈی ۽ نیمگہ ۽ چہ ہم دو ہزار ۽ گیش پوسٹ دیگ بوتگ کہ بلوچ ورنہاں وتی جندہ بلوچانی دستہ چکچینی ۽ گوں ہوار بہ کنت ۽ ایشاں بلوچ جہدکارنی ہلاپ ۽ کارمرز اش بہ کنت۔

چریشی ۽ ابید سرکار بلوچ ۽ راجمانی تب ۽ ہم تباہ کنگ ۽ انت ۽ بلوچستان ۽ توک ۽ کجام ہم وهد ۽ جہد وتی گاماں گشاد تر کنت گڑا لشکر ۽ پالیسی ہم مٹ بنت۔ انوگیں وهداں یکرندے پدا بلوچستان ۽ توک ۽ ٹرائبل وار سرکشگہ

انت کہ بلوچ ۽ یک مزین کسائے مہلوک گوں قبائلی جنگ ۽ آماج بہ بیت - دومی نیمگ ۽ ما گند این کہ اے قبائلی مردمان اے جنگ ۽ پشت پناہی ۽ پئوچ آوان ۽ توپگ ۽ سلاہ دیگ ۽ انت۔ ہیم رنگ ۽ بلوچستان ۽ توک ۽ ازت ۽ ننگ ۽ نام ۽ زالبولانی کشگ ۽ پدا ایشاں گوں بلوچ ۽ راجمان ۽ بندوک کنگ اے درست دژمن ۽ یک پنیلے بہر انت۔ پرچہ کہ اے رنگیں گشندہاں ہج وڑیں سزا دیگ نہ بیت نئیکہ انتظامیہ ایشاں درگیر کنت۔ پرچہ کہ ریاست لوٹ ایت کہ بلوچ زالبول دیم ۽ میا آنت، پرچہ کہ انوں اگان دژمن اے کساس ۽ مزاحمت ۽ آماج انت اگان بلوچ زالبول ہم اے جہد ۽ تہ ۽ مردینانی پئیم ۽ بہر بہ زور آنت گڑا اے جنگ دو سری گیش بیت ۽ دژمن اے چیز ۽ نہ لوٹ ایت۔ بلوچ ۽ راجمانی حساب ۽ کوپگ ۽ سنٹ کنگ ۽ ہاتر ۽ ہرچ رنگیں کارے کہ بوگ ۽ انت تاں آئی ۽ توک ۽ سرکار ۽ دست مان انت پرچہ کہ ایشانی مکسد بلوچ آجوئی ۽ جہد ۽ کاؤنٹر کنگ انت بلئے ما گند این کہ باسمائیں بلوچ راج ۽ زالم ۽ زورائی ۽ ناروائی ۽ ابید ہم جہد ۽ مہکمی ۽ گوں دیم ۽ برگ ۽ انت۔ بلوچ جہد ۽ تہ ۽ گیشتر پروفیشنلزم پیداک انت پرچہ کہ دژمن وت اے گپ ۽ مارگ ۽ انت کہ بلوچ جہد ہمک گوستگیں روچاں گیشا گیش مہکم تر بوان انت۔ بلوچ راجی آجوئی ۽ جہد ۽ تہ ۽ وانندگیں بلوچ ورنہانی کساس روچ پہ روچ گیش بوان انت۔ بلوچ جہد ۽ توک ۽ اتکگیں انوگیں سوبمندی بلوچ ۽ ہما پسگانی برورد انت کہ آبلوچ راجی آجوئی جنرے ہاتر ۽ ہج رنگیں درد ۽ دور مان نیارگ ۽ انت ۽ جہد دیم ۽ برگ ۽ وتی شب ۽ روچاں دیگ ۽ انت۔

یک نیمگ ۽ وھدے بلوچ ورنہ زانشتی اداربانی تہ ۽ گیشا گیش تنگ کنگ بوتگ انت گڑا بلوچ ورنہاں چرے زوراکیاں ابید ہج پد کتر نہ بوتگ انت ۽ بلوچ جہد ۽ چہ وت ۽ دور نہ داشتگ - بلئے اے نہ انت کہ دژمن ہج جاگہ ۽ سوبمند نہ بوتگ بلکیں بلوچ راجمان ۽ را ڈی پولیٹسزائیشن ۽ نیمگ ۽ برگ ۽ مزین کساس ۽ سوبمند بوتگ۔ بلئے بلوچ ورنہانی جہد ۽ جپاہانی برورد انت کہ آیاں وڑے نہ وڑے ریاست ۽ پنڈل بے سوب کرتگ انت۔

دومی نیمگ ۽ اگان ما پارلیمانی سیاست ۽ نیمگ ۽ چمان شانک بہ دئیں گڑا ہیم گندگ بیت کہ بلوچستان ۽ پارلیمنت سودا بازی ۽ جوا بازی ۽ بیپاری بے جوڑ بوتگ۔ اداء بس جوا بازی ۽ گیم بیت ، اداء اسی جیڑے ۽ جنجالانی تران ۽ باوست یا آیانی توجیل سازی گندگ نہ بیت۔ بلوچستان ۽ پارلیمنت ۽ آئی ایس آئی روچے یک نوکیں تجربہ بے کنت ۽ پارلیمنت ۽ گیشتریں آوکیں مردم وت پئوچ ۽ مردم آنت ، یک شپکو بے گڑا دومی بلوچ راج ۽ چکچینی ۽ آوارجنی ۽ دست اش مان انت۔ دومی نیمگ ۽ ہیم مردم گارے بیگواہیں مردمانی کہولان چہ زر گرگ ۽ ورگ ۽ انت بلئے انگت وت ۽ را بلوچ ۽ دوزواہ گوش انت۔ بائد انت وانندگیں تبکہ نون وتی پیسلہ ۽ بہ کنت کہ کجام دیم ۽ روت انت۔ آیا پہ وتی واہشت ۽ آسودگیں زند ۽ روزگار بے کنت یا ناں پہ بلوچ ۽ رزنائیں آکبت ۽ ہاتر ۽ وت ۽ ماں جہد ۽ ہوار گیچ ایت گوں۔ ؟

دلگوش: اے نبشتانک استیں ملکی ۽ درملکی سیاسی جاورہالانی سرا انت، اے نبشتانک ۽ نبشتہ کنگ ۽ مکسد گل ۽ باسکاں ہوار ایدگہ بلوچ ورنہ ۽ مہلوک ۽ چہ استیں ملکی ۽ درملکی سیاسی جاورہالان آگاہ کنگ انت۔ دیمترے مے جہد انت کہ ملکی ۽ درملکی سیاسی جاورہالانی سرا ہمک ماہ گوں جتائیں بنگیاں اے نبشتانکی سپرے برجاہ بہ دار این۔

ہلاس۔